



Wagidigu, li binli 2026 ciluoba dana 26

U KPAANU

Bulicina Faso Gufenema bua ki waani ti diema leni li ɲandunli niba kuli ke o táa li jágili ki baa sieni Bulicina Faso leni Faransi diema siiga danlingu ki cili dinla li binli 2026, ciluoba dana 26.

Laa jágili táama tuugi leni ban biigi ki sua ke Bulicina Faso leni Faransi diema siiga juogu tie màamà. Yeni, bi diidi ki sua ke Faransi diema ki go ɲoa yaala n bili dogi kuli n yaa kpiagidi, ki jigini ki go dugi u yu po, ki dáá koa u yu gobidima leni u yuceli diedima sanbla máama nni.

Faransi diema liigiyaaba n tuadi yaala moala ne ti diema po doagidi canyi ke baa go bua Bulicina Faso ɲamu, ki sugini ki guani ki diedi ti piama leni u paalu, ki juogidi i ɲasiili nni leni a nicagibiada ke bi tie mi tingbangbaama, mi miligibiadima leni i janbi buoli tuada ti diema leni Sayeli dogi nni, ki sugini yaala ke li ɲandunli dogi baa táani ki yie ti.

Nani Faransi yantiali n li tie ki go guani ki diedi ti piama leni ti diema niba yeni, li po teni ke ti táa ti yudiedima jagili. Gufenema bua ki waani ke laa jágili táama kan biidi Bulicina niba leni Faransi diema niba siiga n pia yaa tuginma hali u yogu nni, ku màásùagu nni leni laa doliedi niba siiga yema nni. Li tie ki teni laa doliedi siiga ku dalingu leni u juogu sanbila n guani ki bàà pegidimoanma.

Gufenema go bua ki waani mi diema niba leni li ɲandunli niba kuli ke o baa moandi ki guudi ɲama Faransi diema niba yaaba n ye Bulicina nni, ki gáá bi cangu ki todi ban bàà ban lingi yàala. Gufenema miadi domaatielo kuli n noanli Faransi diema niba yaaba n ye ti diema nni leni nunmanga, ki dáa tieni cààno bà kuli nanga leni tugumoangu tuada nani ti diema báli máama n bili màamà.

Gufenema waani ke o baa suagi u juogu leni ku danligu ɲantaadi leni yaa dogi n ɲua mi yudiedima sanbila, ki tùó dogu kuli n lingi wun bua yaa todikaaba leni yaa todima, ki sugini u taajuogu n pugini Afiriki dogi siiga, ki teni li ɲandunli dogi siiga u táajuogu sanbila n ya tie yenma, ke mi yanduanma, li guunli leni mi findimoanma mo pugida.

Bulicina Faso Gufenema tùó dogu kuli n yaa kpiagidi u yu juogu, ki tuo u yu yudiedima leni wun lingi yaala u niba yema ɲamu po. Ti diema Gufenema moa yogunu kuli li ɲandunli dogi n bàà ki faabi leni u paalu gobidima tuada, mi yanduanma, mi teginma leni todiyaba sani puginma po.



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima